



«ЗВЕЗДА»

«ЗВЕЗДА»

9 июнь 2017ш

ножмар

№ 24 (6555)

Багъа 2 кзуруш

Газета буклаккиссар
1951-ку шинал
ноябрьдания шинмай

Учредитель: Ккуллал районналул администрация
Кулинская районная администрация

Аьрасатнал Кьини



Июнналул 12-нний жула билаятрай кӀицӀ лагай ца агьамсса паччахӀлугьрал байран-Аьрасатнал кьини, ягу Аьрасат чия хьар бакъашиврул Декларация кьамул дурсса кьини.

Чия хьар дакъасса паччахӀлугьрал декларация кьамул дурния шиннай му цӀанилу дуссия 2002-ку шиналнин. 1991-ку шинал баян бувссар паччахӀлугьрал байран кьини.

1990-ку шинал июнналул 12-нний РСФСР-данул Халкъуннал депутатътурал съездрай кьамул дурссар Декларация Аьрасатнал паччахӀлугь чия хьар дакъашиврий баян буллалисса ва Аьрасатнал Конституция ва законну яла гьанумийну хьанхьшиву баян буллалисса.

1990-ку шинал июнналул 12-нний кьамул дурсса

Декларация хьуссар Аьрасат цӀу буккан буллалисса, цаму хьхьичӀунмур журалул хьун буллалисса дайди хьуну. Цалгу ххуллу лавсун нанисса демократический хӀукумат хьун даврийн. Шикка дурссар дайди хьу Аьрасатнал паччахӀлугьрал цалгу гьану хьанхьисса конституциялийнуса федерализм, архӀалшиву ва хӀала-гьурттушиву. Аьрасат дузал дуллалиссар демократ зумув нусса граждан общество, цавугу гьарца миллат, гьарцагражданни муния личӀий банкъашайсса ца бутӀану хьана хьисса.

Ва байран чӀявуминнал

хӀисав дувай цӀуну хьу сса байраннуну. Амма хьама битан къабучӀир Аьрасатнал тарихисса ххуллу, цӀакь бусса держава хьунцӀакул дуллай бивкӀмур. ЦӀанасса чӀумал Аьрасат-Тихий океанналул зумардая Балти калул зумардайн дияннин тӀитӀи даркъусса цӀакь бусса паччахӀлугьри. Чия хьар дакъашиву-му уттинин ппухьлуннал бувсса захӀмат рал ва ливну личӀий шаврил жямри.

ХьхьичӀ ппурттуву Аьрасатнал Кьини ккалли дакъасса байран кьинину диркӀхьурча, утти му жула билаятрал ца яла агьанмур хӀакьмур, сий думур байран кьинир. Аьрасатнал кьини-тархьаншиврул, агьалийнал дянивсса дакъаврил, рязий-шиннарал байран кьинир, цалгу гьану бизлазисса законналий ва тӀайлашиврий. Ва байранни жула Ватанналул цӀанассагу, бучӀантӀимунилссагу буллалиса, мунил цашиву ва жаваблувшиву цӀакь дуллалисса.

ЦӀанасса чӀумал Аьрасатнаву ялапар хьанай бур 180 миллат-этносрал группарду, миннува 80 процент бур оьруснал. Ва миллатралли цӀакьшиву дуллалисса жула Ватанналулгь

«Мир» карта

Бюджетравава социальный ишпиртан дулайсса циняварцу 2018-ку шинал дуллантӀиссар «Мир» карталийн дирчуну.

Гьашинусса шинал тӀурча дуки-хӀичӀия ласун дулайсса арцу уттира ми картардайн дичлансса пикри бур хӀукуматрал.

Ссан аьркинссар «Мир» картарду?

«Мир» картарду итадакълакьиссар платежный картардал миллатрал системалул (НСПК). Ми итадакълакьаврил сававнугу хьанхьиссар 2014-ку шинал Аьрасатнан Федерациялун дуняллул халкъуннал дянивсса платежный система (МПС) лакьин нанисса чӀалан бивкӀукун. Мукун бухьувкун НСПК хьанай дур жула билаятрал финансирттал чия хьар дакъашиву дуруччаврил шартӀну. Вай карточкарду дусса чӀумал жула инсантураннигь дакъассар санкциярду баян бувну арцу къаласун бюхьлай личӀавриягу.

Ча ласун бюхьайссар «Мир» картарду ва му ссан дуссар?

«Мир» карта ласун бюхьайссар билаятрайсса 57 банкрал (Сбербанкрал, Газпромбанкрал, ВТБ-ва м.ц.).

Карта шаллу дуллай зий буссар 124 банк. Картарду лавсумийгу цалнир цал гьарза хьанай най бур.

«Мир» карталу хулу къуллугь буллалаврихлу шинай ласайссар Сбербанкрал-750, Газпромбанкрал-1000, Райффайзенбанкрал-1250 кзуруш. Ца-ца иширан дулун бюхьайссар пенсиялунсса ягу харжирансса украсса картардугу.

«Мир» карта цукун ишла дайссар?

«Мир» карта вайми банкрал картардаха лавшуссар. Мунил кумаграйну ласун бюхьайссар арцу, дичин бюхьайссар цайми карточкардайн, ишла дайссар маша байни ва цаймигу къуллугьру шаллу байний.

НСПК-луха зузимий вихшала дишин буллай бур 2017-ку шинал 1-мур кварталаний «Мир» карталийхӀин дахху-ласу дуллан бюхьантӀишиву билаятрайсса циняв машлул предприятиярдай.

«Мир» карта, цувгу МПС-шал цачӀу итадаркъусса ишла дуван бюхьайссар дазул къатӀувгу. Аьрасатнал банкирдай хӀакьинусса кьини итадакълай дур «Мир-ICB» ва «Мир- Maestro» уттигу итадакълантӀий дур «Мир-AmEx» ва «Мир- Union pay»

ОьрчӀру буруччаврил кьини

ОьрчӀру буруччаврил кьинилун дуняллийра ккаллину дур 1-мур июнь зурул кьини. ХӀатта шинал мутгалийсса кьинирдава ца кьини оьрчӀру буруччаврил кьинилун ккалли дулларчагу, аьлтта чӀалачӀисса ишну хьанай бур нитти-буттал ургьилшиврула оьрчӀру тачӀав яла багьан къааьр киншиву. Жула районналийсса шяраваллаву бур ряхва оьрчӀал багь: Хьусрахь, Ккулув, Ваччав, Чяв, Хьювхьив, Вихьлив. Вай багьирдаву бур ца группа лия байбивхьуну 4-5 группа лин биянинсса оьрчӀру тарбия буллай. ОьрчӀал, тарбиячитурал дяниву чӀун-чӀумуй шай конкурсеру, викторинартту, спортрал зумунусса тӀуркӀурду. Цала кас мулул къюлтӀшивуртту

хьинну ххуйну кӀулсса тарбиячитурал гьарта-гьарзасса кӀулшиву дуллай бур цала канилусса оьрчӀан. Вана ва оьрчӀру буруччаврил кьинигу циняв багьирдаву хьунни байранну. Барча бувунни оьрчӀру нитти-

буттахьал ва къуллугьчитурал, дуллунни оьрчӀан ккадилалисса бахшишругу. Гьашинусса оьрчӀал байранналул кьинилух ябитан на лавгссияв Вихьуллал оьрчӀал багьравун. Шикку тарбия буллай бур кӀива оьрчӀал



мюрщиминнал ва хьуни миннал группартту. Чюлу сса январдаву багьрал хӀаятраву ккуранналий бавцӀуну бия оьрчӀру. Вайннал ккаккан буван тӀисса номердах ябитан шиккун бувкӀун бия ниттихьулгу. Байранналул кьинилушал оьрчӀру ва

нитти-буттахьул барча бувуна оьрчӀал багьрал хьунмунил ХӀусайнова Залиххал. Ванил такну кӀицӀ бувуна.

- Цалчин барча буван ччайбура жула оьрчӀру байранналушал. Вайннал (Ахир 2-мур лаж.)

ОьрчIру буруччаврил кьини

(Дайдихьу 1-мур лаж.)

хьирив вайннал нитти-буттагу. Вай жула оьрчIру бушиву на кIицI бувна районналул дянивсса бясччаллаву гьуртту шайсса, хьхьичIунсса кIантту бугьайсса оьрчIруну. БакIрал пикрилийнусса иширттаву бакьагу вай гьуртту шайссар чурххал базурдал гужшиву ккаккан дуваймий тIуркIур давугу. На чIа тIий бура зун ххирасса оьрчIру куннал куннан кумаг буллай, дус шивурттай чIарав бацIлай,

оьрчIал багьраву хIасул хьусса дусшиву бугьарамур оьрмулувугу дяличIин ма дувару тIий. Нитти-бутта хьахьгу вания тинмайгу жула Ватан дуруччин шайсса виртталну тарбия буллан багьлагишиву жула оьрчIру кIицI буван ччай бур, - куна. Гания гихунмай багьрал тарбиячитурал Халилова Аьйшал, АхIмадова Ххассул, Мяммащаллаева Марияннул кумаграйну оьрчIал лакку мазрай, оьрус мазрай

бувккуна ватандалун, оьрчIал байранналун, дусшиврун хас бувсса шеьрирду, увкуна балайрду, ккаккан дувуна кьавтIавуртту. Хьиннура хху йну даркьуну дия душарай тачIаврагу сийлува кьаду ккайсса Вихьуллал чIинчIулт ва бакIвахIуртту. Байранна лул ахирданий хьуними оьрчIал мюрщиминнан бул луна Аьрасатнал, Дагьустган нал мюрщи ттугьру. **Суратирттай:** Байранналул лахIзарду:

ХI.ХIусайнов



ЦIуну ивтсса прокурорнащал хьуна бакьлай

Ларгсса нюжмар кьини Лакрал райадминистрациялул совещанияртту дайсса кьатта щап увкуну буьцIунуна исантурал

БувкIуну бия Ккуллал районналул бакIчинал кIанайма Адам Чупанов, мунал заместитель Сабрина ХIажиева, Лакрал ва Ккуллал районналул цачIусса прокурортурал зузалт ва судьятал, аьдлукьадагьа дуруччай органнай каялушиву дуллалими, Лавашавсса районнал дянивсса РД-лул силисталул ва ФМБ-лул управлениярттай каялушиву дуллалисса Сиражуттин Сиражуттинов ва Андриан СалихIов. Мукуна заллануву бия райадминистрациялул зузалт, идарарттай, организациярдай каялушиву дуллалими.

Президиумраву щябивкIун «Лакрал район» МР- данул бакIчи

Хьунмасса хIарачат бивхьушиву районнай закон дуруччин аьдлукьадагьа тIайлану дачин дан. Мунияту Светозардуйн агьалинал «халкьуннал прокурор» учайсса бивкIшиву

Районналий дуллалисса гьарцагу давурттай, суботникирттай цува хьхьичIуну коллектив гьуртту хьанай, райадминистрациялун кумаг бивкIшиву.

ЧIа увкунни МахIачкьалаллал Кировлул цIанийсса районналий прокурорну ивтсса Светозардун тIайла бацIу, хьиннура ларайсса ккаккьяртту.

Яла Светозардун буллунни

Светозардул даврия цивппа рязийну бивкIшиву. ЦIуну ивтсса прокурор Хумарбаг Дандамаев цала пиша ххуйну кIулсса, прокурортурал дянив савьсса, чIя русса шиннардий республикалул прокуротуралый яла Агьуллал районналул прокурорну зий, цала цува хьхьичIунсса специалистну ккаккан увшиву.

Хумарбаг Дандамаевлу хьхьун махь буллукун, кутIасса ихтилатраву бувчIин бунни Светозардул дуллай ивкIмур махьнин дагьан кьариртун, хьиннура хьхьичIуннай дансса кушцуй зунтIшиву.

Уттинин районналий зий ивкIма прокурорнан цIусса даврий тIайла бацIу, цIуну увкIманан

Лавашавсса, районнал дянивсса Управлениялул начальник Сиражуттин Сиражуттиновлул, миккувасса ФСБ-лул отделаний каялушиву дуллалисса Андреан СалихIовлул, МахIаммад Хьунбуттаевлул, Мусалав Мусалаевлул, Саэд МухIадовлул (прокурорнал зам) ва цайминнал.

Районналул агьалийнахь, цащала зий бивкIсса прокуротуралул зузалтрахь барчаллагь увкунни Светозар Оьмаровлулгу.. БувчIин бунни цува ци даврий зий ухьурчагу Лакрал районнал жамиятирттащал дахIаву, чIарав ацIаву, шайсса кумаг баву хIура дуккан кьадитаншиву. АцIния мьяйра шинай Лаккуй прокуротуралый зий цувагу, цащала



Юсуп МахIаммадов, РД-лул хьунама прокурорнал хьиривчу ТIагьир Аьдулаьзизов, Лакрал ва Ккуллал районнал прокурорну зий ивкIсса Светозар Оьмаров, цIуну вайва районнал прокурорну ивтсса Хумарбаг Дандамаев.

БатIаврил хьунмур мурад Светозардухь районналул жамятрал чулуха барчаллагь учаву ва цIуну увкIсса прокурорнащал мива ми хьунабакьаву, кIулшаву.

Совещание дачин дурсса Юсуп МахIаммадовлул хьхьичI мукьуву кIицI бунни Светозар Оьмаров цала даву ххуйну дачин дурну, кIирагу районналул жамятраву сий дуну, агьалинал мурадру биттур бан, чIарав ацIан хьинну чялишну ивкIшиву.



райадминистрациялул чулухасса барчаллагьрал чагьар ва дуклаки оьрчIал дурсса ххаржан.

Хьирив ихтилат бувсса РД-лул прокурорнал заместитель ТIагьир Аьвдулаьзизовлул кIицI бунни

кабакьаву ва хьхьичIун найшивуртту чIатIисса ихтилатру ялагу бунни Лакрал ва Ккуллал районнал Федерал судьятурал председатель Мирза Нажаевлул, РД-лул силисталул комитетрал

уртакьну зий бивкIмигу законну дуруччин хIарачат буллай, агьалинал мурадру буручлай бивкIшиву ва м.ц.

М.Мусалаев

Литературалул лажин

Ися МахIаммадовлун 80 шин



Вай гъантрай, яний июнналул 8-ний 80 шин там хьунни хIурмат бусса педагог, гьунар бусса шаэр МахIаммадлул арс Ися МахIаммадовлун. Юбилей-ран хас дурсса батIаву хьунни июнналул 7-ний районналул библиотекалувугу. Шадлугърай ванал оьрмулун ва творчестволулун хас бувсса махьру лав-хьунни мунал творчество ххуй дирзусса чIавусса буккултрал ва дустурал.

Муниясса репортаж дуккинсар хьиривсса номерданий. ЦIанасса ва лажин хас дуллай буру И.МахIаммадовлул махь чивчусса назмурдан

Ххира хьуннав инсаннан

Хьхьунил магьмунсса пардав Чани лешлай, хьхьу дукIлай,
Чаннал бири-бат дайхту, ЦIан даслай, кьини хьятIий,
Кьини дучIай аьрщарайн Най бур гъантри аьрщарай
Бургьил нургу архIалну. Га лярхьуния шиннай.

Хьхьу аьркин шай инсаннан Ххира хьуннав инсаннан
РахIатну шану лахьан, Хьхьу ва кьини цакуцну,
Кьини тIурча-зун, занан, ЛичIаншиврул ссавний баргь
Бургьия неьмат ласлан. Абадлий чIумул сьятну.

Жунма хьама бивтссарив

ДакI зия шай ххал хьувкун,
Дукьаргьун лирчIсса хьуру:
Цанни тти жунна аьрщи
Къаччан хьусса ваксарра?!

Жунма хьама бивтссарив
Жула буттал буттахьул,
Цанни жува бунува,
Аьрщи ятинну лирчIсса.

ХIакьину бурча куну.
Буччинин букансса ччатI,
КъабучIирхха гьунттиймур
Кьини дакIния дуклан

Вари ттул Лакку кIану

Чачун зунтурдал ккуран
Ккарккума хIайран айсса,
Зунтурдал хьхьичI дарарду
ЯбатIин къабюхьайсса

Щаращай ва неххардий
Щинну хIачIан куклусса,
Лагмава марцIсса гьава
Чурх таза буллалисса.

Вари ттул Лакку кIану
Ттул хьусгу ххазинагу,
Буттал ттунна къадиртсса
Муданнасса минагу.

ОьрчIнийсса шинну

Ччайнугу, къаччайнугу
Кув чIумалттул хьхьичI дацIай,
КьурчIи-нацIуну ларгсса
Ттулла оьрчIнийсса шинну.

ХьхьичI дацIай аьзиз нину,
Даврил меж дикIан дурсса,
Ганил канил битIянхьру,
Чару кунна къанкъасса.

ХьхьичI бацIай бутгал къатга,
Иникьали бухлавгсса,
ЧIивимур ссугу ниттихь:
Ккашилну бура тIисса.

ХьхьичI бацIай хьалул чIаллу,
ХIуен бувну букайсса,

Хьюмусса лархьхьу накьгу,
Кувни дацIра хIачIайсса.

ХьхьичI бацIай кьурнилувци,
ЧчатIул кIану бугьайсса,
Ттуйрасса лаххиягу,
Лаххан нач хьанахьисса.

Ччайнугу, къаччайнугу,
Кув чIумалттул хьхьичI дацIай
КьурчIи-нацIуну ларгсса
Ттулла оьрчIнийсса шинну.

Ттисса оьрчIан тачIавгу
Къаккаканнав дяьвирду,
КъаличIаншиврул цивппа
Къаккарккунна оьрчIшиву.

Гьарцаннал ва аьрщарай
Бухьунсар цала цIуртти,
Ттулмур чаннасса цIуку
Дагьусттанни дугьрисса.

Чувнал намус бухьурча,
НякIсса ссав кунма марцIсса,
Ганайн гьич къалачIайссар
Щил дугьларчагу «къаркь».

Ина бувсумунин
Цукунни вих хьун,
«Щялмахьрал кьуцуру»
Вин чайсса буна?!

Оьшиврул хьири-хьирив
Цан ура ина занай,
Хьиншиву кару тIитIлай
Дунура вихьхьун дулун?!

Вил ххуллу-куянмай,
Ттулмур-тIайланма,
Ина кунцIуллучIан,
На-щаращучIан.

Жунма цуксса ччайнугу
Бургьелу гьели буллан,
Дурккун чарив ттуруллив
КIучI бай кIа цаца чIумал.

Жунма цуксса ччайнугу
Инсан цIуллуну, сагьну,
Цакуну азара щуну,
Ганил га лахIан увай.

Нажагь баргь кIучI буварча
Хавар бакьа ттуруллал,
Лакьиннав кIай ттуруллив
Ттиркьюкьив кунна, марцIсса.

Нажагь инсан угьарча
Хавар бакьа цIуцIаврил,
Лакьиннав га цIуцIаву
Дарурттал хьин дувайсса.

Бурги ххуйшиву

Аьрщи чантI увкунни
КIинтнил шанува,
Ссавнихгу дуруглай,
Бувунни тIитIу.

Интния ссихI ласлай,
Гьарал щин хIачIлай,

ЖУЛ ДУС

Жул дусри баргь ссавнийсса
Мудан чаннану лавхьсса,
Жун кIанил пиш-каш дувай
Кьини чаннал дурцIусса

Жу бярувн бувчIукун,
Бургьил жушачI туркIубай,
Хьхьемал гьарца кIунтIливу,
Ливккун жу ххари бару.

Жул янна-ус къар-къарал
Чапал къадулланшиврул,
КIанил гьарал къадагьайх
Къакьан дай щалла аьрщи.

Цаппара азардая
Жу мурахас баншиврул,
Гьинттул жул чурхру бургьил
Шай мусил рангиравун.

Жу бургьихь бивзрав учин
КIюрххил ччяни бизару,
Ахттакьун бизлазани
Хьхьу хьиннугу учару

Дяркъу художник

Ца кьини Баху бия
Ниттил чIарав бавцIуну:
ЧIавахьулттийн ка тIитIлай
Га бия ниттихь цIухлай.

-Дадай , ва чIавахьулттий
Вай накьичру щил дурессар?

Кумаг

КьатIух дикIул парча
БурцIин ккавккуна,
БарцI ганин хьап учин.
КьатIуйн ххяхьхуна.

КьяртI куну, пIякь куна
Микку кьатIагу,
КьатIухьхьун дирирна
БурцIил щяпIагу.

Кумаг бара!-тIий барцI
Вев тIун бивкIуна...
Ганин кумагрангу
Авчи увкIуна

Цинма щолли гьухьа
Цила щавщунни.

Бурги тти зу ганил
Чурххал ххуйшиву,
Бурги чурххацIасса
Кьункьах аьтрилун!

Ххирар чIаххурангу

Бакирдун цала ккаччи
Ххирар каних ках буллан,
Ххирар ччитул оьрчIащал
ТIуркIу буллан гьар кьини.

Бакирдул ниттихь тачIав
Къачай «къахьунсар»-куну,
ЧIивимур ссингу мудан
Кумаг бай янна лаххан.

Нажагь цанма лякьирча
Урттуву ххюнкIуллу кюру,
Къаччан бикIай Бакирдун
Ганин карагу лаян.

Цаяра хьунаманыхь,
Кюрххил ганан ивзрав чай,
ТуркIу тIунгу къалагай
Дарсру циняв къадурну.

Укун мяьрипат дусса
Бакир ур жул шяраву
Цалами оьрчIру кунма,
Ххирар га чIаххурангу

-Ми дурессар оьсса дякьил
Каругу дакъана.

-Дадай га оьсса дякьил
Каругу диркIессания,
Га куннасса художник
Цама къаикIанссия

Редакциялул адрес
368390, Республика Дагестан
Ккуллал район, ш.Ваччи

Издательнал адрес:
Республика Дагестан
Ккуллал район, ш.Ваччи

Газета регистрировать
бывссар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хьунама
редактор
А.И. Къянчиев

Газета бавтIуссар «ЧаннацIуку»
газетрал редакциялул компьютердай,
бывссар ГАУРД «Издательский дом
«ДАГЕСТАН». Типографиялул адрес:
367018. МахIачкъала, пр.
Насрутдинова 61,

Буккайссар нюжмардий
цал,
Индекс: 51317
тираж 650 экз. Газета
итабакьин къулбас дайсса чIун
17. 00,
къулбас дурсса чIун 16. 00